

索眼不見亦如是法不見法不念法何以故諸經法無念不見亦無所益佛語阿難諸經法皆空無所持亦不可念譬如幻師化作人諸經法亦如是無念亦無痛何以故無形故善薩作是行為般若波羅蜜作是學爲學般若波羅蜜悉欲得六波羅蜜者當學般

若波羅蜜作是學在諸學中最尊無有及者百倍千倍萬倍是爲安十方天下人作是學者困厄苦者悉護視是爲隨佛法學是爲隨佛教有應是學者持手舉一佛境界復著其處人無有覺知者佛語阿難佛從是般若波羅蜜中學成過去當來今現在佛無所罣礙指

智慧法悉從般若波羅蜜具足成欲得般若波羅蜜限者爲欲得虛空限也何以故般若波羅蜜不可盡十方之事可計般若波羅蜜事不可計也阿難白佛言何以故般若波羅蜜事不可計佛告阿難般若波羅蜜事不可計不可盡般若波羅蜜本淨何以故過去不可

復計佛悉從其中成就得佛般若波羅蜜亦不增亦不減甫當來不可復計佛悉從般若波羅蜜成就得佛般若波羅蜜亦不增亦不減十方今現在不可復計佛悉從般若波羅蜜成就得佛般若波羅蜜亦不增亦不減是故般若波羅蜜不可盡虛空亦不可盡

十六

## 道行般若波羅蜜經卷第八

鱗

大義慈高伏承

湖州歸歸安縣太元鄉徐林獨樂妙嚴庵院優婆塞僧

蓮慈淳財刊閱

大藏尊經卷功德報嚴

先傳錄慧照大和尚遺崇

妙品

辛巳年八月

日杭州歸山普寧寺住山禪如二題

## 道行摩訶般若波羅蜜經卷第九 鱗九

後漢光和二年月支沙門支斐迦譯

不可盡品第二十六

是時湧菩提作是念佛所說般若波羅蜜事甚深是湧菩提當作是問湧菩提白佛言般若波羅蜜不可盡辭如虛空亦不可盡菩薩

當何因思惟般若波羅蜜佛語湏菩提色不可盡當作是思惟般若波羅蜜痛痒思想生死識不可盡當作是思惟般若波羅蜜十二因緣不可盡當作是思惟般若波羅蜜佛語湏菩提菩薩當作是思惟般若波羅蜜菩薩當作是思惟十二因緣適得其中菩薩初坐

樹下時不共法思惟十二因緣是時薩芸若智慧悉具足佛語湏菩提若有菩薩行般若波羅蜜時思惟十二因緣不可盡作是思惟者出過羅漢辟支佛道去正住佛道菩薩不作是思惟行般若波羅蜜及思惟十二因緣不可盡設不作是思惟者便中道得羅漢辟

支佛菩薩不中道還者用思惟行般若波羅蜜思惟行摩訶漚和拘舍羅故佛語湏菩提菩薩行般若波羅蜜時思惟觀十二因緣不可盡作是觀十二因緣所觀法生者滅者皆有因緣法亦無有作者作是思惟十二因緣行般若波羅蜜時不見色不見痛痒思想生

死識不見佛境界無有所因法見佛境界是爲菩薩行般若波羅蜜若有菩薩行般若波羅蜜當尔時魔大愁毒辭如父母新死啼哭愁毒憂思菩薩行般若波羅蜜時魔愁毒如是湏菩提白佛言一魔愁毒耶餘魔復愁毒如乎佛語湏菩提一佛境界所有魔各各於其所止處不安菩薩隨般若波羅蜜教時菩薩應行如是者諸天阿湏倫龍鬼神人若非人不能害菩薩若有菩薩欲得佛道者當行般若波羅蜜菩薩行般若波羅蜜爲行檀波羅蜜具足行尸波羅蜜亦余行羼提波羅蜜亦余行惟逮波羅蜜亦余行禪波羅蜜亦余菩

薩摩訶薩行般若波羅蜜具足行漚和拘舍羅波羅蜜菩薩摩訶薩行般若波羅蜜若有魔事起即覺使不至菩薩悉欲得諸漚和拘舍羅波羅蜜者當行般若波羅蜜當守般若波羅蜜若有菩薩行般若波羅蜜守般若波羅蜜余時菩薩思惟十方不可計阿僧祇現

道行九

在諸佛諸佛本行菩薩道時悉從般若波羅蜜出生菩薩作是念如諸作悉得諸經法我悉當得如是菩薩行般若波羅蜜時作是思惟念如兩指相彈頃若有菩薩布施具足如恒邊沙劫不如是菩薩行般若波羅蜜如彈兩指頃菩薩如是行者亦為住阿惟越致地

是菩薩為諸佛所念菩薩終不還餘道會當得佛終不歸三惡道是菩薩未曾離諸佛時行般若波羅蜜菩薩如兩指相彈頃間功德如是何況一日守般若波羅蜜者行當如捷陀呵盡菩薩捷陀呵盡菩薩在阿閦佛刹最尊第一

道行摩訶般若波羅蜜經隨品第二十七  
須菩提白佛言菩薩何因隨般若波羅蜜教佛語須菩提諸經法無有能壞者菩薩隨般若波羅蜜教當如是虛空不可盡菩薩隨般若波羅蜜教當如是五陰本無形菩薩隨般若波羅蜜教當如是四大本無形菩薩隨般

若波羅蜜教當如是沙羅伊檀六事本虛空無形菩薩隨般若波羅蜜教當如是發心行佛道無有與等者菩薩隨般若波羅蜜教當如是發心行願甚廣大菩薩等心於十方人無有極佛有四事不護各各異端無有極菩薩隨般若波羅蜜教當如是菩薩為諸天阿

道行九

三

須倫龍鬼神勣陀羅摩睺勒人及非人作不可計之覆護菩薩隨般若波羅蜜教當如是十方天下人呼為是我所非我所悉斷之菩薩隨般若波羅蜜教當如是虛空之中音響無形菩薩隨般若波羅蜜教當如是辟如大海水不可斗量菩薩隨般若波羅蜜教當如

是辟如須弥山巔珍寶各各別異菩薩隨般若波羅蜜教當如是釋梵各自有教菩薩隨般若波羅蜜教當如是辟如月盛滿殊好菩薩隨般若波羅蜜教當如是辟如日明所照悉至菩薩隨般若波羅蜜教當如是諸經法但有字耳無有處所菩薩隨般若波羅蜜教

當如是般若波羅蜜本無形但有字耳菩薩隨般若波羅蜜教當如是般若波羅蜜本無所從生菩薩隨般若波羅蜜教當如是般若波羅蜜等無有異菩薩隨般若波羅蜜教當如是幻化及野馬但有名無形菩薩隨般若波羅蜜教當如是地水火風是四事無有極

菩薩隨般若波羅蜜教當如是佛身相本無色菩薩隨般若波羅蜜教當如是諸佛境界各各虛空菩薩隨般若波羅蜜教當如是佛諸經本無說無教菩薩隨般若波羅蜜教當如是辭如衆鳥飛行空中而無足跡菩薩隨般若波羅蜜教當如是生死根波羅蜜力諸覺禪棄脫三昧定入禪具足悉脫愛欲臨作佛時乃得行是菩薩隨般若波羅蜜教當如是諸經法無有極不可盡菩薩隨般若波羅蜜教當如是諸經法無所從生無所因出菩薩隨般若波羅蜜教當如是臨作佛時諸經法悉具足成菩薩隨般若波羅蜜教當如是

泥洹虛空無所有菩薩隨般若波羅蜜教當如是諸經法本無淨邇無所因菩薩隨般若波羅蜜教當如是佛所作爲變化無有極菩薩隨般若波羅蜜教當如是一切無有索菩薩者亦無有得佛者過脫無央數人菩薩隨般若波羅蜜教當如是諸佛說經法行道如

道行九

四

是菩薩隨般若波羅蜜教當如是佛所教化等無有異菩薩隨波若波羅蜜教當如是佛語湏菩提若有菩薩行般若波羅蜜時當作是隨當作是念當作是入當作是視去離諛去離財富去離貢高去離強梁去離非法去離自用去離財富去離僥倖去離世事棄身不惜壽命適無所慕但念佛所行事安隱菩薩行能如是得佛不久悉得薩芸若功德不久如是輩菩薩不當字爲菩薩當字爲佛何以故今得佛不久故若有菩薩隨般若波羅蜜教甫當來此爲得佛字佛在者亦當隨般若波羅蜜教佛般泥洹後亦當隨般若波羅蜜教如

是

道行摩訶般若波羅蜜經薩陀波  
倫菩薩品第二十八

佛語湏菩提疾欲得佛者索般若波羅蜜當如薩陀波倫菩薩於今在上方過六百三十億佛國佛名捷陀羅耶其國名尼遼捷陀波勿薩陀波倫菩薩於彼間止湏菩提白佛言

薩陀波倫菩薩本何因緣索般若波羅蜜佛語湏菩提乃往久遠世有菩薩名薩陀波倫爲前世施行功德所追逮本願所成世作功德所致前世以供養數千万億佛時菩薩卧出天人於夢中語言汝當求索大法覺起即行求索了不能得其意惆悵不樂欲得見

道行九

五

佛欲得聞經索之了不能得亦無有菩薩所行法則用是故甚大愁憂啼哭而行辭如人有過於大王所其財產悉沒入縣官父母及身皆閉在牢獄其人啼哭愁憂不可言薩陀波倫菩薩愁憂啼哭如是時忉利天人來下在虛空中觀見菩薩日日啼哭天人見菩薩

至心啼哭天人即於菩薩父母兄弟親屬交友中字菩薩爲薩陀波倫是時世有佛名曇無竭阿祝竭羅佛般泥洹已來甚久亦不聞經亦不見比丘僧時薩陀波倫菩薩於夢中忉利天人語言前有佛名曇無竭阿祝竭羅是時菩薩於夢中聞佛名即覺覺已大歡喜踊躍即棄捐家室入深山中無人之處棄身無所貪慕而大啼哭自念言我惡所致不見佛不聞經不得菩薩所行法是時薩陀波倫菩薩啼哭時便聞虛空中有聲言善男子可止莫復啼哭有大法名般若波羅蜜若有行者若有守者得佛疾汝當求索是大法汝聞是法若行若守佛所有功德汝悉當得之佛三十二相八十種好汝悉當得之汝悉當持經法教十方天下人薩陀波倫菩薩聞虛空中聲當何因緣得般若波羅蜜當到何方求索當何等方便得之虛空中聲報菩薩言從是東方行莫得休息汝行時莫念左莫念右

莫念前莫念後莫念上莫念下莫念行行時  
莫念恐怖莫念喜莫念食莫念飲莫念坐莫  
念行道莫念中止莫念姓莫念怒莫念癡莫  
念守莫念有所得莫念無所得莫念內莫念  
外莫念色莫念痛痒思想生死識莫念眼莫  
念耳莫念鼻莫念口莫念身莫念心意莫念

地水火風莫念空莫念人莫念我莫念命莫  
念有空莫念無空莫念行菩薩道莫念有經  
莫念無經莫念生天上莫念生拙聞莫念菩  
薩善莫念菩薩惡一切所向念悉斷適無所  
著從是東行悉斷念已作是行不缺者今得  
聞般若波羅蜜不久過去諸佛行菩薩道時

道行九

六

索般若波羅蜜如是得般若波羅蜜隨其教  
者得佛疾作是精進行者當疾得佛薩陀波  
倫菩薩聞虛空中教聲大歡喜當隨天人之  
教虛空中聲復報言莫失是教作是語已便  
不復聞聲是時薩陀波倫菩薩聞是教法倍  
踊躍歡喜隨是教即東行心適無所著行道

三十二相見已大歡喜义手白化佛言願佛  
為我說經法我從佛聞經聞經已佛諸所有  
經法我皆欲悉得之是時化佛語薩陀波倫  
菩薩受我所教法悉當念持之諸經法本無  
恐懼本淨無端緒住諸經法一切無所罣礙  
本端無所因住諸經法本無所因端緒無所  
說住諸經法無所說教如虛空無形本無端  
緒如泥洹無有異諸經法亦如泥洹無有異  
無所從生無形住諸經法無所從生無形計  
如幻無形如水中見影諸經法如水中影現  
如夢中所見等無有異諸經法如夢中所見  
等無有異佛聲音都盧見如是當隨是經法

道行九

七

教善男子當作是守念從是東行索般若波羅蜜去是間二万里國名捷陀越王治處其國豐熟熾盛富樂人民衆多其城縱廣四百八十里皆以七寶作城其城七重其間皆有七寶奇樹城上皆有七寶羅縠綻繡以覆城上其間皆有七寶交露其間垂鉢四城門外皆有戲廬繞城有七重池水其中有雜種優鉢蓮華拘文羅華分那利華湏捷提華末湏捷提華皆在池水中生其間陸地有薺葛華如是衆華數十百種其池中有衆雜奇鳥鳩鷇鴦鷯異類奇鳥數十百種池中有七寶之船其人乘船娛樂戲池中城中皆行列五色幢復懸五色幡復有羅列雜色華蓋城中街巷各各周遍辭若忉利天上釋宮殿懸幢幡音樂之聲數十百種日日不絕辭如忉利天上難檀桓戲廬其中有音樂之聲快樂不絕其城快樂亦如是其城中無有異人皆是菩薩中有成就者中有發意者皆共居其中快

樂不可言其中所有服飾玄黃琦珍不可復計其國中有菩薩名曇無竭在衆菩薩中復高尊有六百八十万天人男女共相娛樂捷陀越國中諸菩薩常共恭敬曇無竭為於國中央施高座隨次轉下施座中有黃金座白銀座琉璃座水精座座上皆布雜色紋繡綻座間皆散雜種香華座上皆施雜寶交露之蓋中外周而皆燒名香曇無竭菩薩常於高座上為諸菩薩說般若波羅蜜中有聽者中有書者中有學者中有諷者中有守者沒從是去到捷陀越國曇無竭菩薩所自當為汝說般若波羅蜜當為汝作師教汝何以故前數千億世常為汝作師是汝本發意時師沒往至師所時若見若聞莫得說其短亦莫念其短汝設見慎莫疑慎莫懈怠何以故汝未曉渙和拘舍羅當諦覺魔事善男子慎莫隨魔教莫用師在深宮尊貴故敬師當如敬佛無有異當用經法故莫念財利貪意心念

所有者當施與師當樂好恭敬於師作是行  
不缺者今得聞般若波羅蜜不久余時薩陀  
波倫菩薩從化佛聞是教即踊躍歡喜用歡  
喜躍躍故即得見十方諸佛三昧余時十方  
諸佛皆讚歎言善哉善哉善男子我曹本爲  
菩薩時用精進故得聞般若波羅蜜得聞般

若波羅蜜便成就得薩芸若亦復當得三十  
二相八十種好十種力四無所畏四事不護  
十八事不共我曹余時亦復得是三昧余時  
諸佛亦復讚歎我曹如是汝行亦當復如我  
曹作是行者菩薩所有功德汝悉當具足得  
之薩陀波倫菩薩從三昧覺作是念諸佛本  
從何所來去至何所作是思惟已便復舉聲  
大哭復作是念諸佛教我至曇無竭菩薩所  
薩陀波倫菩薩便從是去中道得提菩國國名  
魔所樂國薩陀波倫菩薩便於城外園中止  
宿自念佛經法寶難得何況乃聞耶我當供  
養盡力於師今我一身加復貧窮亦無有珍

琦好物及華香持用供養於師如我無所有  
者謂且自賣身持用供養於師作是念已即  
入城街里自衒言誰欲買我者時魔在城外  
戲與五万妓女共遊戲魔遙見菩薩聞自衒  
賣聲魔即自念言是薩陀波倫菩薩自賣身  
欲供養曇無竭菩薩持用索佛是人當出我  
道行九

境界脫人衆多今我且壞子令一國中男女  
皆不見其形不聞其聲是時薩陀波倫菩薩  
賣身不集便自死轉卧地啼哭大呼欲自賣  
身持用供養於師了無有買者是時釋提桓  
因邁於天上見薩陀波倫菩薩精進乃余自  
念言我當下試之知爲至誠索佛不但諫誦

是時釋提桓因來下化作婆羅門問薩陀波  
倫言善男子何其勤苦乃余乎用何等故死  
轉啼哭薩陀波倫菩薩報言不須問道人婆  
羅門如是問至三所欲勸使願相語我欲相  
佐助薩陀波倫菩薩報言道人欲知者我自  
賣身欲供養於師故婆羅門語薩陀波倫菩

薩鄉欲供養於師故婆羅門語薩陀波倫菩薩言善男子今我欲大祠欲得人血欲得人肉欲得人髓欲得人心卿設能與我者我益與卿財薩陀波倫菩薩大歡喜報言願相與薩陀波倫菩薩即取刀自刺兩臂血大出持與之復割兩臂裹肉持與之復自破骨持髓

與之適復欲自刺曾時樓觀上有長者女遇見之傷愍哀之時長者女與諸伎人妹女五百人相隨來至薩陀波倫菩薩所問言善男子年尚幼少端正如是何以故自割截其身體薩陀波倫菩薩報女言我欲供養於師故用是故出血出肉出髓欲賣持欲供養於師是時長者女問薩陀波倫菩薩言設供養於師者能得何等福師名為誰在何方止薩陀波倫菩薩報女言師在東方師名為曇無竭當為我說般若波羅蜜我聞者當行守之當用疾得佛我身當得三十二相八十種好十種力四事不護四事無所畏十八事不共當

得法輪轉當度脫十方天下人是時長者女語薩陀波倫菩薩如善男子所言天上天下無有比汝莫自困苦乃余我自與汝金銀珍寶琦物我自與五百妹女相隨行我亦欲自供養曇無竭菩薩復欲聞經是時婆羅門語薩陀波倫菩薩言善哉善哉善男子如是精進難及欲知我不善男子我是天王釋提桓因故相試耳欲求索何等願我悉與卿薩陀波倫菩薩報天王釋提桓因言欲哀我者使我身體平服如故菩薩身體即平服如故釋提桓因即自去是時長者女語薩陀波倫菩薩言共歸至我父母所索金銀珍寶琦物并  
道行九

辯父母去薩陀波倫菩薩即隨至父母舍女歸止具為父母說是事父母即報女言如汝所說甚快難得聞我亦復欲與汝共行自惟年老不能自行汝所欲得便自說女言我欲得金銀珍寶琦物父母言汝自恣取之女便自取金銀雜寶珍其好物成擣栴檀名香及

餘雜碎諸寶蜜香甚衆多以五百乘車載自重五百侍女自副是時五百侍女皆行報長者女父母欲侍貴女隨菩薩行報已即相隨俱行是時薩陀波倫菩薩與五百女人輦稍稍引道而去遙見捷陀越國有幢幡辭如忉利天上縣幢幡遙聞捷陀越國音樂之聲復遙見捷陀越國城上皆有七寶拭綬七重其下有七寶交露帳七重一重間者皆懸寶鈴城外周布圍遠城有七寶樹七重城外皆有戲廬男女遊戲娛樂其中中有乘車伎自樂者中有步行伎自樂者香風四散分布四出無不聞者辭如天香用是故名爲捷陀越國

道行九

士

中函中有若干百種雜名香曇無竭菩薩日日供養持雜華名香然燈懸幢幡華蓋雜寶若干百種音樂持用供養般若波羅密餘菩薩供養般若波羅密亦復如是忉利天人晝夜各各三持文陀羅華摩訶文陀羅華供養般若波羅密如是薩陀波倫菩薩及五百女人聞是大歡喜踊躍無極俱往至般若波羅密所持雜華雜香散般若波羅密上持金繕織成雜衣中有持衣散上者中有持衣作拭者中有持衣搭壁者中有持衣布地者是時薩陀波倫菩薩及五百女人供養般若波羅密已便行至曇無竭菩薩高座大會所相去

不遠遙見曇無竭菩薩在高座上坐爲人勸少顏類姝好光耀明照爲數千巨億人中說般若波羅蜜薩陀波倫菩薩及五百女人見曇無竭菩薩已皆大歡喜踊躍持雜種華香散曇無竭菩薩上復持若干種寶散其上復持數百種雜色珍寶衣以上菩薩爲曇無竭

菩薩作禮繞八百匝已作是言我曹亦當復逮得尊經亦當復如是尔時曇無竭菩薩持深經好語語薩陀波倫菩薩及五百女人言多賀來到得無疲倦他所勑使所欲得者莫自疑難我是度人之師適無所愛惜薩陀波倫菩薩白曇無竭菩薩言我本索般若波羅

道行九十二

宴時於空閑山中大啼哭於上虛空中有化佛身得三十二相紫磨金色身有十億光耀焰出是時化佛嗟歎我言善哉善哉人索般若波羅蜜當如是也便語我言去是東出二万餘里其國名捷陀越廣縱四百八十里珍寶交露服飾辭如忉利天上殿舍有菩薩名

道行九

所從來去亦無所至佛亦如是無想本無所從來去亦無所至佛亦如是無處所本無所從來去亦無所至佛亦如是無所從生本無所從來去亦無所至佛亦如是無形本無所從來去亦無所至佛亦如是幻本無所從來去亦無所至佛亦如是野馬本無所從來去

曇無竭於人中最尊常返覆教人汝往至彼間當得聞般若波羅蜜前世數千巨億方世常爲汝作師是汝本發意時師是時間師名聲大歡喜踊躍不能自勝用歡喜踊躍故即得悉見十方諸佛三昧是時諸佛悉讚歎我言善哉善哉索般若波羅蜜當如是我曹本索佛時索般若波羅蜜如是得般若波羅蜜者自致得成佛如是佛爲我說經已便不復見我自念言佛從何所來去至何所持是事白願爲我解之佛爲從何所來去至何所爾時曇無竭菩薩報言賢者善聽薩陀波倫菩薩報言諾當善聽曇無竭菩薩報言空本無

亦無所至佛亦如是夢中人本無所從來去  
亦無所至佛亦如是泥洹本無所從來去亦  
無所至佛亦如是想像本無所從來去亦無  
所至佛亦如是無有生無有長本無所從來  
去亦無所至欲知佛亦如是無所適本無所  
從來去亦無所至欲知佛亦如是虛空本無

所從來去亦無所至欲知佛亦如是經界本無所從來去亦無所至欲知佛亦如是本端本無所從來去亦無所至欲知佛亦如是尔時薩陀波倫菩薩聞佛深事法如是比不可計不可念不可量此大法如是尔時即於座上得六方三昧門何等為三昧門無處所三

昧無恐懼衣毛不契三昧脫諸魔中不恐怖  
三昧脫於愛欲之本三昧脫出格戰離患三  
昧不可計向入三昧譬如大海水不可量多  
慧所入三昧莊嚴湧弥山功德莊飾三昧五  
陰六衰無形觀三昧入諸佛界三昧悉見諸  
佛三昧菩薩守道三昧諸經法本無形見說

三昧珍寶莊飾三昧悉學珍寶入三昧悉念  
諸佛三昧菩薩上高三昧真阿惟越致及法  
輪爲轉三昧莊嚴佛功德三昧無瑕穢悉及  
淨三昧所聞衆事如大海三昧無所護無有  
過三昧樂經音聲遍至三昧經法章顯幘幡  
三昧怛薩陀竭身無形入三昧諸經法無形  
遍視三昧菩薩印封三昧怛薩阿竭目視三  
昧照明諸佛境界所願具足三昧解十方人  
難三昧臨成佛莊嚴三昧種種雜華異色三  
昧多珍寶三昧法輪常轉三昧諸音聲遠聞  
入要三昧入十方人本三昧諸三界悉徧至  
三昧成諸功德三昧無有能過六波羅蜜三  
昧菩薩坐樹下時壞餘外道羅網三昧怛薩  
阿竭現飛三昧不可復計功德度莊嚴三昧  
諸珍寶智慧功德三昧薩芸若地三昧悉淨  
因三昧悉遍照三昧悉入十方人生死之根  
智慧出中三昧過去當來今現在悉等三昧  
如是比等薩陀波倫菩薩得六万三昧門如

是余時曇無竭菩薩起入宮中

道行摩訶般若波羅蜜經卷第九 鱗九

都勸緣大檀越成忠郎趙 安國

道行般若波羅蜜經卷第十

鱗十

後漢月支三藏支婁迦讖譯

曇無竭菩薩品第二十九

是時薩陀波倫菩薩安隱從三昧覺起并與五百女人共至曇無竭宮門外門外立自念言今我用經法起來師入在內我義不可卧不可坐須我師來出上高座說般若波羅蜜爾乃坐耳及五百女人亦皆効薩陀波倫菩薩立是時曇無竭菩薩適教殿中諸女說經道已沐浴澡洗已更著新衣上般若波羅蜜之臺坐思惟種種三昧悉入如是七歲不動不搖是時薩陀波倫菩薩及五百女人亦復

常經行七歲不坐不卧七歲已後天人於上虛空中語之言却後七日曇無竭菩薩當從三昧起是時薩陀波倫菩薩聞天人語聲念言今我當爲師施座掃灑令淨薩陀波倫菩薩及五百女人共到說經處至已特爲曇無竭菩薩施高座時五百女人各各自取著身衣布著座上是時弊魔自念言未嘗有是未嘗見是是時薩陀波倫菩薩爲曇無竭菩薩施高座特用恭敬求索佛道精進勇健無有休懈得道者出我界度脫人不可計今我且中道壞之是時弊魔悉壞諸菩薩所坐座皆令曲戾雨沙礫石荆棘枯骨是時薩陀波倫菩薩及五百女人見座曲戾汙泥不淨自念言今曇無竭菩薩當坐說經及諸弟子皆當來聽今我曹當更掃除整頓坐席即共掃除整頓諸座已自念言今地大有土塵恐來坌師及諸菩薩當共灑之即行索水不能得何以故弊魔所作自念言今我曹索水了不能